



OMNIBONI
FERRARI
MEDICI,

AC PHILOSOPHI

DE ARTE MEDICA INFANTIVM
APHORISMORVM,

PARTICVLÆ TRES.



BRIXIAE,

Apud Franciscum, & Pet: Mariam fratres, de Marchettis.

M. D. LXXVII.



OMNIBUS

LIBRARY

OF THE

UNIVERSITY OF

CHICAGO

1892

RECEIVED



EXLIBRIS

UNIVERSITY OF CHICAGO

1892

2
ILLVSTRISSIMO AC
GENEROSO D. VITO

DE DORIMBERGIO

EQVITI MVATO, SACRAE CAESAREAE
MAIESTATIS CONSILIARIO, ET APVD

Illustriſſimum Senatum Vinctum
Oratori

OMNIBONVS FERRARIVS MEDI-
CVS ET PHILOSOPHVS
S. P. D.



MAXIMUM Solatium eſſe ſoles
(*Illuſtriſſime Orator*) inter aduer-
ſas fluctuum tempeſtates, & mul-
tiplices uitæ huius perturbationes ſi-
dum aliquem Pollucem conſpicere,
eo enim uifo, illicò uenti concidunt-
fugiantq̃ nubes, & minax unda re-
cumbit. Vnde in te unum antè alios in hoc gurgite uasto
amicum, & ſalutare meum ſyduſ intueri mihi licet, cum
tua, qua es in omnes ſingulari humanitate, mei, & fratris
factorem te præſtiteris adeò, ut ambo cum uniuerſa noſtra
familia tibi deumcti, & perpetuo nodo obligati ſimus. Hac
autem cum menti meæ infixæ penitus inhaerent, cuperemq̃
grati animi mei ſignum erga te aliquod edere, quod aliud
aptius in præſentia non ſuppeteſſet, non ab re fore exiſtimaui.
Si quum proximè de *Arte medica infantium aphoriſmo*-

rum particulas tres confecissem, multaꝫ in unum redigissem
partim meo ut dicitur Marte, atque usu etiam excognata,
compertaꝫ; partim ex probatissimis auctoribus excerpta,
eas tibi consecrata's in tuo nomine uellem apparere; quan-
quam hoc ut facerem tua me etiam animi fortitudo impulit,
ac uigilantia; quam nunc apud Illustrissimum Senatum Ve-
netum inuictissimi Cæsaris Maximiliani secundi Legatus
personam sustinens assidue tua multa cum laude, & gloria
declaras. Vnde & literarum studia, in quibus à pueritia
uersatus es, & integritas uitæ, & religionis ueræ studium, di-
sciplinarumꝫ omnium peritia te gratissimum, & optatissi-
mum familiarem Principibus Christianis reddunt, in-
ter quos tua dexteritate, & auctoritate concordiam dum
mirè conseruas, euenit ut Serenissimus Princeps Carolus
Archidux Austria te, ut præsidem sui archiducalis con-
siliij constitueret, à Cæsare petierit, nec ille tamen, ne tam
diligenti, gratoꝫ sibi ministro, cui non alium facile parem
se inuenturum confideret, carendum esset, petitioni amanti-
ssimi fratris assensus sit, sed bona eius tamen cum gratia, &
multa tua cū gloria in ista legatione apud Venetos te denuò
confirmarit; & statim ad Ligures tumultuose belli incēdia,
inter ipsos orta magis, magisꝫ quotidie accendentes, ad pa-
cem conciliandam legauit, quæ tandem maxima ex parte
accuratissima diligentia tua, secuta, & stabilita est. Suscipe
igitur Illustrissime Eques munusculum hoc meum hilari
fronte, ueluti signum, & pignus amoris, & obseruantie
erga te meæ. Vale.

OMNIBONVS FERRARIVS MEDICVS ET PHI-

LOSOPHVS

CANDIDO LECTORI

S. D.



AQVAE præcipua in Arte Medica Infantum
tam à nobis inuenta, ac longo rerum usu per-
cepta, quam ex auctoritate probatorum au-
ctorum descripta sunt in aphoristicam doctri-
nam tribus particulis comprehensam collegi-
mus, quas veluti flores ex pratis legentes, &

flauentia ferta texentes, quibus tempora memoriæ huius ar-
tis studiosi inectere valeant, in lucem edere decreuimus, bre-
uitatem secuti, ita tamen, vt tenebrosæ obscuritati nullum lo-
cum reliquisse videri possimus. Vt autem res tota in suo na-
turali statu permaneret, ubiq; ferè sententias, & verba propria
aliorum scriptorum retinenda putauimus. Accipies igitur
candide lector has nostras lucubrationes, ex quibus si ad alen-
dos, & curandos infantes commodum aliquem fructum ali-
quandò reportaris id totum ad D.O.M. gloriam referto,
& mei memor esto. Vale.

ANTONII GROTTÆ.



Hæc Tenera infantum cur tot corpuscula pridem
Funere præcipiti merfit acerba dies?
An fera se voluit Mors exaturare prius, quàm
Surgeret OMNIBONI firmior arte Puer.

APHORISMORVM

DE ARTE MEDICA INFANTIVM

PARTICVLA PRIMA.



INFANS Dicitur ille, qui nondum fari capit, Puer uerò qui purus est, & nondum ad pubertatis annos peruenit.

In nutritione infantium semper mater nutricibus preferenda est, nisi ex defectiōe, aut corruptione lactis, aut aliqua agritudine, impossibilitate uē, aut malis moribus hoc prohibeatur.

Infantes à matribus alienis educati à proprijs matrum naturis multum discrepant.

Veluti hodi lacte ouillo nutriti pilum gignunt teneriorem, & agni lacte caprarum aliti lanam ferunt duriorē, ita & infantes alieno lacte nutriti.

Infantes eius naturam à qua nutriuntur sapiunt.

Lac purioris sanguinis menstrui parti, ex qua fœtus in utero alitur, affine est.

Inhumanum, monstrosūq; esse uidetur, filium concepisse, & sine legitima causa eundem seorsum alieno lacte nutrire.

Si, qui filios alijs nutriendos aliorum dedit, uinculum amoris, quo genitores cum filijs natura constrinxit intercidunt.

Que non lactat filium suum, non est integra mater.

Infantes aliquando cum alieno lacte aluntur magis amant nutricem, quam matrem.

Unusquisq; presumit laudabilioribus moribus ornatam esse matrem, quam nutricem.

Nutrix bonorum morum est eligenda.

Opulenti uerò plures nutrices conueniunt, si una lacte non abundat.

Infans unius nature lacte multo salubrius nutritur, quam diuersarum.

Nutrix nulli propter naturā affectiōi obnoxia, iudicio delectuq; paretur.

Et ut facilius nutrix lacte abundare ualeat, & sustinere ea, que lactantibus solent accidere, mediocris ætatis, & que iam bis peperit, & abortum passa non est, & semel saltem lactauit, est eligenda.

- 17 *Nutrix illa melior est, quæ masculinum non sœminam peperit.*
- 18 *Nutrici curam cerebri, cordis, iecinoris, & stomachi habere conuenit, ut sanguinem bonum generare possit.*
- 19 *Qualis est sanguis, tale est lac.*
- 20 *Lac si optimum est, gustanti, olfacienti quæ suauis, intuenti candidum, æquabile, ac liquidum, crassiusque medium apparebit. Quod uitiosum est è diuerso.*
- 21 *Lac inculpatum est, quod dum super pollicis ungucem, nitoris contemplandi gratia instillatur, flexo ungue nec cito, nec lentè delabatur.*
- 22 *Præter ea, quæ in lacte optima requiruntur, copia est necessaria.*
- 23 *Lac uitiosum succum probum non gignit.*
- 24 *Si bonis cibis alantur nutrices, lac pariter boni chyli generant.*
- 25 *Nutrix bis quotidie cibum sumat, sic tamen, ut famem cibis, sitim potus expectet.*
- 26 *Nutrix ab omnibus bellarijs abstineat.*
- 27 *Ex cibis, qui faciliè non putrescunt, nutrirì debet nutrix.*
- 28 *Nutrix fugiat diurnum somnum post cibum, nocturnum sibi conciliet.*
- 29 *Nutrici dormire saltem per horam à cena conuenit, diluculo surgere.*
- 30 *Euitet nutrix uigilias noctis, dies enim uigilia, nox somno tributa est.*
- 31 *Nutrices à Venere abstineant, menses enim prouocat, qui postea lac in deterius mutant, & aliquæ in utero concipiunt.*
- 32 *Quicquid sanguinis est optimum, in fœtum, & Vencrem absumitur.*
- 33 *Nutrice prægnante nihil peius.*
- 34 *Partes corporis superiores nutrix bis quotidie exerceat.*
- 35 *Nutrix ab otio maximè caueat.*
- 36 *Misio sanguinis, & medicamenta ualdè exsiccantia, & calfacientia in nutrice uitanda.*
- 37 *In uitioso lacte sanguinem inspicere oportet, & si biliosus est primum purgationem desiderat, mox uictum.*
- 38 *Lac in mammis superfluens nutrici plurimum nocet, affert enim abscessus, & ægrotudines.*
- 39 *Crassius lac abscessus, & furunculos in infantis corpore progignit.*
- 40 *Si lac fiat acre, appetitus deficit, & pustulæ acerrimæ in corpore fiunt.*
- 41 *Lacte in nutrice deficiente, alia infantem lactato.*
- 42 *Si nutrix medicinam solutiuaui sumpserit, alia per diem naturalem lactet infantem.*
- 43 *Lac in caseum conuersum, nisi statim curetur gignit abscessum.*
- 44 *Lac congelatum facit obstructions, & faciliè ad aquam inter cutem, & febrem perducit.*
- 45 *Inter lactandum nutrix ad utranque mamillam conuertat infantem.*

APHORISMORVM

DE ARTE MEDICA INFANTIVM

PARTICVLA SECVNDA.



DE AERE, in primis prò infantis tuenda sanitate, parua non habenda est ratio.

Si infans natus sit uel in urbe, uel eius aliquo uico, uel ruri, seu aliqua in domo insalubri aere infecta in alium salubriorem ducendus, & educandus est.

Infantibus in quibus aliqua exuperans qualitas dominatur, is utilisissimus aer est, qui ei qualitati maximè est aduersus.

Si mater per totum prægnationis tempus sana fuit, ac natus recens infans in terra positus eiulatum edit, & integras omnes partes, & sensus habet, ipse quoque sanus est.

Si statim editus in lucem infans arti sanitatis tuendæ tradatur educandus, fortunatus utique erit.

Umbilicum quatuor à uentre digitis refecare oportet, ubi primum natus est infans.

Prohibeatur nè umbilici resectio fiat arundinibus, aut uitris.

Umbilicus post incisionem duplicatus, & lana inuolutus leniter in medio componatur.

Infantium corpora mollia, & fluxa sunt.

Infantibus ex imbecillitate instrumenti ratio sopita est.

A principio nares præcipuè infantis digitis subindè sunt repurgandæ.

Oculi infantis statim ut ortus est exiguo oleo illinantur.

Post ortum infantis ant orificium illicò minuto digito aperitor.

Edito in lucem infante, uescica eius quamprimum premenda est, ut urinae exitus fiat facilius.

Infantis membra suauiter, & rectè fasciis inuoluantur.

Modò nato melcibus omnium primus præbeatur, usque dum matris, aut nutricis natura recenti partu concussa in pristinum habitum se receperit.

Ab initio statim infans multo lacte onerandus non est, lactandus

tamen bis, terque quotidie.

- 18 Non lactet mulierem pregnantem.
- 19 Solo lacte infans nutriendus est, usque quo dentes anteriores emittat.
- 20 Vt plurimum mense scilicet septimo, & undecimo in infantibus dentes enascuntur.
- 21 Citius dentiunt, qui lac calidius sugunt, & qui frigidius è diuerso.
- 22 Dare operam oportet ut infans dum lac sugit modò dextram, modò sinistram manum liberam habeat.
- 23 Vt cutis geniti modò infantis, eiusque membra densiora, & duriora fiant, statim post eius ortum, modico sale trito, & oleo oliuarum dulci inungatur, friceturque.
- 24 Frictiones infantibus, & inunctiones conueniunt quotidie, donec tres annos excesserint.
- 25 Balneare etiam conuenit quotidie infantem semel tantum usque in quartum à natali mensem, & usque ad septimum alternis diebus, à septimo uerò usque quo à lacte amoueatur bis singulis hebdomadis.
- 26 A longiori somno excitatus infans fricetur statim, & balnectur.
- 27 Frequens lauacrum reddit corpus flaccidum, & imbecille.
- 28 Balneum infantis astate aqua suauis, & tepida fieri debet, hyeme calida non tamen pungente.
- 29 Sigro sanctissimæ Crucis munialur infans, nè ab aliqua nocturna, & malefica strige fascinetur.
- 30 Communis quædam est, & uetus opinio, Aniculas quasdam sagas, (quæ & striges uulgò dicuntur) infantium sanguinem sugere, quo pro uiribus iuuenescant.
- 31 Manus, & pedes infantis à natali usque ad menses quatuor fascia diligendi sunt, transacto quarto, soluenda sunt manus, & brachia, & etiam pedes post decimum: totus autem thorax, & uenter usque ad biennium fascia inuoluendi.
- 32 Vt tutus conseruetur infans nunquam uel dormiens, uel uigilans relinquendus est sine custodia.
- 33 Infans semper (nisi aliud indicetur) in partibus supernis domus à terra remotis habendus est.
- 34 Lucernæ semper habendæ sunt apud cunas ad pedes, non post caput infantis.
- 35 Nocturno tempore apud nutricem locandus non est infans in lectulo, donec nec manibus, & pedibus solutis ad motiones naturales peragendas aptus sit, nè suffocetur.
- 36 Cubiculum infantis à Septentrione semper fenestras habeat clausas, à meridie per hyemem, autumnum, & astatem interdum.

- 37 In cubiculo infantis orientem, & occidentem uersus quotidie hyeme aperiantur fenestrae, manae orientales, à meridiè occidentales.
- 38 Tempore quo imbres abundauerint, & præcipuè hyeme ignis in cubiculo infantis accendatur quotidie.
- 39 Aestate ad euitandum seruidissimum solis uaporem orientales fenestrae quotidie summo mane aperiantur saltem per horas tres, aliae omnes claudantur; post solis uerò occasum denuò aperiantur occidentales, & orientales.
- 40 Fletus temperatus antequam infans lac sugat confert ei ad membra spiritalia dilatanda, cetera corroboranda, & cerebrum, caputque purgandum.
- 41 Ab anno à natali secundo incipiunt infantes secundum rationem intelligere, loqui, & ambulare.
- 42 Dolores infantibus lenire, & somnum conciliare triplici uia prudentiores nutrices solitae sunt, papilla mamillarum ori eorum apposita, motu in cunis mediocri, & uocis modulatione.
- 43 Infantes nunquam plorant sine legitima causa, quippè loquelae adhuc expertes ploratu, clamore, iracundia, & agitatione dolorem suum indicant.
- 44 Infans semper exactissimam munditiam amat.
- 45 Cum apparuerint, & firmati fuerint primi duales, & anteriores dentes (non omisso tamen lacte) tunc infantem solidiori cibo assuefacere conuenit.
- 46 Infantes unius nutricis lacti assueti difficile ab altera lac emulget, eoq; fit, ut nonnulli interdum propterea inedia pereant.
- 47 Vicius humidus infantibus conuenit.
- 48 Lactantes ultra biennium, nisi maior urgeat necessitas ex sententia quorundam, tardiusculi sunt, disciplinaeque apprehendendae parum idonei.
- 49 Infantes lactentes si multum mingant, minimè anniculi fiunt.
- 50 Qui plus mingunt, quàm egerunt, pro ratione pinguiore sunt.
- 51 Qui uis aluius ualde lubrica est, & benè concoquunt, hi saniores sunt.
- 52 Quibus modicè profluit, & uoraces sunt, & non pro ratione similiter nutriuntur morbofi.
- 53 Voraces multum lactis trabentes non pro ratione carnosii fiunt.
- 54 Qui pinguiore benè dormiunt, multum alimentum adsumunt, idque adiacet, non sufficienter distributum.
- 55 Quibus in sugendo lac tussis instat, uiam maiorem habere solent.
- 56 Postquam lac suxit, statim non exhibeantur infanti (nè lac in stomacho coaguletur) acida, salsa, aromatica, acria, & uinosa.

- 57 Infantes minimè ieiunium ferunt, præsertim qui inter ipsos sunt uidiore.
- 58 Qui crescunt plurimum habent calidi innati, plurimo igitur egent alimento, alioqui corpus absumitur.
- 59 Propter incrementum uehementer concoquunt.
- 60 Vinum antè remotionem à lacte non est exhibendum.
- 61 Vinum ad iram præcipientes, & pertinaces facit infantes, & partem animi rationalem hebetem, atque turbidam reddit.
- 62 Qui comedunt infantes, à cibis unctuosiss, pinguibus, & dulcibus, atque fructibus facillè putrescentibus cohibendi, sunt, donec ratione dignoscant.
- 63 Eorum quæ uenter continet, præcipitatio distributio in corpus fiet, si post cibum bibat, quem balneum excipit.
- 64 Si ingreditur aqua in aurem infantis, dum balneatur quandoque in radicibus aurium eius apostemata existunt, ob id uehementem incurrit dolorem.
- 65 Cum lauit, sumpsitque cibum det membra sopori.
- 66 In cunis cubare oportet infantem supinum, & ei stratum concanum parare, & satis molle.
- 67 Infans dormiat in loco tenebroso, & modicè calido, nisi aliter cogat necessitas, ubi non adsit fumus, nec malus odor, & ubi eum dormientem ledere non possint animalia uenenosæ.
- 68 Infans custodiatur à prohibentibus somnum.
- 69 Maiorem partem temporis infantes dormiunt.
- 70 Cum surgit à somno infans lucem intueri assuescat, & cælum inspicere.
- 71 In tenebris infantes paucant.
- 72 Infantes uoluptate, & uictoria gaudere præseferunt.
- 73 Ingredi, ambulare, uel aliquid motus facere infans immaturè cogendus non est, nè eius membra distorqueantur.
- 74 Ab infante remouendi sunt lapides, ligna, fustes, cultelli, uirum & omnia, quæ ledere, pungere, incidere, frangere, aut granare possunt.
- 75 Infans remoueat per semper ab igne, ab aquis, à puteis à locis altis, et ad quæ conueniunt, & per quæ transeunt animalia, quæ uel morsu, uel cornibus, uel pedibus, uel aculeo ledere solent.
- 76 Cum infans omnium dentium perfectum iam numerum expleuerit, ut incidere, & manducare cibum solidum, citrà noxam ualeat, à lacte remoueat.
- 77 Perfectus numerus dentium in unoquoque humano corpore est qui

continet duos, & triginta, scilicet octo incisores, quatuor caninos, & uiginti molares.

78 *Alacte remotio uere, uel autumnō sensim facienda est.*

79 *Quidam sugunt interim cibum adsumunt, facilius ablactationem ferunt.*

80 *Potus dandus est uinum dilutum infanti cum iam firmior factus fuerit.*

81 *Cauendum est ne infans incidat in iram, seu timorem uehementem aut tristitiam, aut uigilias.*

82 *Animi perturbationes, & uigiliae ualde exsiccant, & alterant corpus infantis, & impedimento sunt, ne increcant.*

83 *Infanti quod expetit illico praeendum est, quod auersatur amouendū.*

84 *Infantes molles sunt instar cerae, quae omnem sigilli formam recipit.*

85 *Animi mores infantium uitiānt consuetudines prae, cibi, potus, gymnasia, inspectiones, auditiones, & mala musica.*

86 *Ante sex annos infans non est in disciplinam magistro dandus.*


87 *A sexto usque ad decimum quartum annum infans nec multis, nec uolentis fatigandus est gymnasijs, ne eius augmentum impediatur.*

APHORISMORVM

DE ARTE MEDICA INFANTIVM

PARTICVLA TERTIA.



- 1  **N** FANTES Cum in exitu à matricis utero non re-
Et ab obstetricibus excipiuntur, nec commodè fa-
scijs inuoluuntur facillè inuertuntur.
- 2 Quamdiu infantes sunt in utero matris per umbili-
cum mingunt, & orti etiam antequam ligentur.
- 3 Infantium urinæ ad lactis proprietatem trahuntur
ex parte nutrimenti eorum.
- 4 Pulsus infantis creberrimus est.
- 5 Infantium natura calida est, & humida.
- 6 Ex uocalium instrumentorum angustia uocem infantes reddunt acutâ.
- 6 In infantia magis, quàm in pueritia pituita abundat.
- 8 In pueritia in dies fit diminutio pituitæ, & calor, & sanguis augetur.
- 9 Aetas infantia est cum membra ipsius infantis nondum ad motiones,
& ad ambulandum sunt apta, & extenditur usque ad biennium, &
dentitionem.
- 10 Pueritia est post ambulationem, & antè corporis firmitatem, cum non-
dum dentes ceciderint, & nati fuerint, extenditurque usque ad septi-
mum, atque etiam ad tertium decimum annum, & uocatur ætas me-
dia inter dentitionem, & pubertatem.
- 11 Natura infantium habet eandem rationem in ætatibus, quam uer in
quatuor temporibus anni.
- 12 Ossium natura in paruulis, atque etiam infantibus carea potius ui-
detur.
- 13 In ætatibus autem talia contingunt, paruis, & nuper natis puerulis,
oris ulcera (quæ aphthæ uocantur) uomitus, tussis, uigilia, paiores,
umbilici inflammationes, aurium humiditates.
- 14 Aurium humiditas, & expurgatio per aures à natura aliena est.
- 15 In progressu uerò cum iam dentire incipiant, gingiuarum prurigines,
febres, conuulsiones, alui profluvia, & maxime cum caninos edunt
dentes, et ijs præsertim, qui crassiss mi sunt, & aluos habet astrictas.

- 16 Cum uerò iam magis adoluerint, tonsillæ, & uertebrae, quæ in occipitio ad interiora luxationes, crebri anbelitus, quos græci asbmatata uocant, calculi, lumbrici rotundi, ascarides, uerrucæ quas græci acrochordonas uocant, tentigines, strumæ, & alia tubercula, sed præcipuè antedicta.
- 17 Grandioribus autem, & iam accedentibus ad pubertatem plurima ex his, & se bres diurnæ magis, & ex naribus profluvia sanguinis.
- 18 Plurimæ autem ægritudines in paruulis iudicantur partim diebus quadraginta, partim mensibus septem, aliæ annis totidem, quædam uerò in iam ad pubem accedentibus. Quæ uerò permanserint, nec puerulis in pubertate desierint, aut fæminis cum menstrua erumpunt, solent esse diurna.
- 19 Ex praua uictus ratione nutricis in multas ægritudines infantes incurrunt.
- 20 Infantium corpora si à nutricibus perperam aut leuantur, aut reponuntur, faciliè deprauantur.
- 21 Nutrices cum cibus utuntur minus idoneis infantes etiam corporis à natura optimè constituti uarijs morborum generibus exponunt.
- 22 In curatione morborum infantium habenda primum ratio est uictus nutricis ipsius, ut rectè se habeat.
- 23 Infantes facilius, quàm adultos uidere est maximas ægritudines tolerare, & præcipuè quorum alimentum cibus est lac.
- 24 Infantes nisi obstat inedia sæpe ex diurnis, & grauissimis morbis euadunt, & conualescunt.
- 25 Si in nutrice aliquod ex quatuor humoribus redundet, redundantia ipsa statim erit minuenda, & propria euacuatione tollenda.
- 26 Si nutrix medicinam solutiuam sumpserit, per diem naturalem alia nutrix lactet infantem, nisi per eam etiam infantem purgare uolueris.
- 27 Nutrices, infantesq; omni ope (uitatis aluum soluentibus medicinis) esculentis, & poculentis curandi sunt.
- 28 Prodest etiam infantibus medicamentum non sentientibus si nutricibus præbeatur.
- 29 Cauenda sunt in nutrice missio sanguinis, medicamenta ualdè exsiccantia, excalfacientia, aut frigefacientia ex his enim in ipsis deficit lac.
- 30 Propter uirium imbecillitatem infantes medicamenta ualdè alterantia, & euacuantia tolerare non possunt.
- 31 In puero qui nondum quartum decimum annum attigit sanguis uitendus non est.

- 32 Infantes multi egrotantes per aliquot annos ex praua animi consuetudine, contraria motuum ipsius immoderatione curantur.
- 33 Aluum infantium astrictum data ad ciceris magnitudinem terebinthina, aut mellis uncia soluit.
- 34 Si lactea crusta oculos non lædit, neque deturpat brui, & facillime sanatur.
- 35 Experientia compertum est laborantes initio lactea crusta saniores fieri.
- 36 Erysipelata, quæ caput innadunt, nisi ualdè efficaci subueniatur remedio, languentes interdum suffocat.
- 37 Herpetum ulcera, & pustulæ cum interdum, sint profundiores, diuturniores etiam sunt, et si sanantur sine totius corporis purgatione denuò erumpunt, uel ad bubonem ducuntur.
- 38 Si herpes curetur antequam fiat ulcus à principio citò curatur.
- 39 Qui inueteratis achoribus laborant in deciduum capillitium incurrunt, & alopeciam, & ophiasim, & ad exulcerationem, & hæc in cute usque ad carnem facillè uertuntur.
- 40 Tinea non solum ulcerat, sed aliquandò cum fæore, & crustis, & capillorum deciduo deturpat caput, & totum aspectum.
- 41 Siriasis triduo interficere solet, quod si spatium illud superuenerit, salutis spem proculdubio ostendit.
- 42 In inflatione capitis ab aqua extra craneum spasmus superueniens mortem portendit.
- 43 Inflatio capitis ab aqua intrà craneum difficillimè sanatur, & periculum mortis denuntiat.
- 44 Ab inflatione capitis à flatu si alui fluor superuenerit malum, ita & febris.
- 45 Perseuerante terribili somno periculum est ne infans incidat in epilepsiam.
- 46 Vigiliæ infantibus familiares non sunt, immodicè morbus.
- 47 Morbi comitiales si antè pubertatem quempiam inuaserint, mutationem recipiunt, nisi anno uigesimo quinto commoriuntur.
- 48 Smaragdus collo infantis suspensus arcet à proprietate comitalem morbum.
- 49 Radix pæoniæ collo infantis suspensa comitalem morbum à proprietate sanat.
- 50 Cum paralysis annum excedit contrahitur habitus morbi, ac proinde immedicabilis fit.
- 51 Si membrum paralyticum extenuetur, aut minuatur, malum, superueniente uerò febre, aut tremore, bonum.

- 52 Infantes à conuulsione sicca difficulter corripuntur, quòd si corripuntur, facillè sanantur.
- 53 Glauco ex siccitate incurabilis est.
- 54 Glauco à redundantia, & uarietate humorum in principio curatio- nem admittit.
- 55 Strabositas ab ortu non sanatur, nisi in habitu infantis ualdè humido, ac si recens est, facillè sanatur.
- 56 Palpebrarum crassities adducit pilorum casus, & ulcerationem, & sequitur eam corruptio oculi, & ophthalmia.
- 57 Si pruritus, & scabies oculorum peccant in sanguine, uel bile flaua, uel pituita, bonum, si uerò commissione atræ bilis, ma- lum.
- 58 A dolore aurium, si generatur apostema, periculum mortis im- minet.
- 59 Dolor aurium acutus, & uehemens cum febre continua, malum, periculum enim delirij, & totius mentis alienationis denun- tiat.
- 60 Sternutatio sinè defluente catarrho in omnibus morbis signum est saluberrimum.
- 61 Grauedines, & sternutamenta per omnes morbos, qui in pulmone fa- tigant præire, & subsequi malum, ex his enim facillè in scotomiam, & uertiginem egrotantes incurrunt.
- 62 Obrimas labiorum infans cum maximo dolore, & difficultate lac è mammis emulget, & malè nutritur.
- 63 A gingiuarum prurigine, & dentium productione dolorifica, pericu- lum est, nè infantes incurrant in febres, conuulsiones, & alui pro- fluvia, & serò adueniens magis dolet, & cum maturius, minus.
- 64 Infantes, quibus in dentitione aluus plus aquo laxatur, minus conuel- luntur, quàm quibus modicè.
- 65 Quibus in dentitione febris acuta accedit, parùm conuelluntur.
- 66 Qui hyeme dentiunt, si in ijs cætera alioqui rectè se habent melius liberantur.
- 67 Qui cum tussicula dentiunt, tardius dentes producant.
- 68 In prouerbio dici solet. Donec ab oculis non sunt editi dentes, de filijs genitores non sunt gaudentes.
- 69 Dentes canini uulgò ab oculis uocantur.
- 70 Lupinus dens collo infantis suspensus dentitionem à proprietate ad- inuat.
- 71 A proprietate ad dentitionem dolorificam lac caninum, & medulla caballina confert.

- 72 Abscessus ex dentitione gingivarum nisi solvantur, adhibitis opportunis remedijs facile suppurantur.
- 73 Ex superflua carne ex dentitione orta interdum excitantur dolores, & febres, & inflammationes loci affecti.
- 74 Gingivarum uesiculae facile sanantur.
- 75 Dentium dolor inter maximos numeratur ex quo facile excitantur febres, convulsiones, & alui duræ, & cruditates.
- 76 Dens hominis mortui ex sententia quorundam à proprietate collo infantis suspensus dentium dolorem lenit, & soluit.
- 77 Ad dentes dolentes à proprietate confert lac asinum, & pimpinella herba trita.
- 78 Aphthæ in infantibus facile sanantur à principio, à quibus aliquando sunt ulcera diuturniora, & a græ solvuntur, & in progressu temporis putredinosi quidpiam acquirunt.
- 79 Nisi subiecta, & iuncta lingue pars, undè loquela impeditur succisa sit, sero in sermonem prorumpitur, ubi uerò cū eo uitio nati loqui liberè ceperint, & satis maturè loquuntur, & impediuntur in uerbis, & nominum prolatione in quibus R. aut L. aut K. literæ frequenter occurrunt.
- 80 In infantibus ranunculus, seu batrachus facile sanatur.
- 81 Tonsillarum columellæque inflammationes raro in infantibus eveniunt nisi cum cervicis uertebre affectæ loco excidunt, quo in casu infantibus illis tanquam deploratis manum admoliri non oportet.
- 82 At si tumor existat in collo, bonum, & fauces dolentes cum quadam strangulantes difficultate citò interimunt.
- 83 Tussis diuturna plerunque perducit ad sputum sanguinis.
- 84 Qui gibbi ex anhelitu, aut tussi efficiuntur, antè pubertatem intereunt.
- 85 A tussi inueterata infantes interdum ducuntur ad phthisim & hecticam, & ad herniam.
- 86 Asthma in decrepitis non sanatur, & in iuuenibus ut plurimum est difficilis, & longa.
- 87 A stomachi debilitate sequuntur infirmitates, quæ à cruditate proveniunt.
- 88 A vomitu singultus, & oculorum rubor malum.
- 89 Vomitus colore albus, aquosus, citrinus, & ruber uebementer, & obscurus est malus, & deterior est, qui est sicut flos aris, & niger; & cui succedit spasmus interficit statim.
- 90 Vomitus utilissima est, quando est pituitosa, & bile permista.
- 91 Coralium rubrum collo infantium lactentium appensum, & usque ad

os uentriculi demissum lactis uomitum prohibet, & eorum concoctionem adiuvat.

92 A singultu sternutatio superueniens liberat, & ubi sanguis multus fluxerit, singultus, aut conuulsio superueniens, malum, ita & ex superflua purgatione.

93 Ab ileo singultus si fiat in altiore sopore, aut animi deliquio, aut tetano mors non longè abest.

94 Dolores, qui cum febre affligunt circa lumbos, & inferas sedes, si præcordia attigerint inferas sedes relinquentes, exitiales admodum sunt.

95 Quibus tormina, & circa umbilicum labores, & lumborum dolor, qui neque medicamento, neque aliter soluitur, in aquam inter cutem firmatur.

96 Dolores uentris in parte superna leuiores, in inferna uehementiores.

97 In dolore uentris uehementi partes extremæ frigida malum,

98 A uentris dolore diuturno, suppuratio.

99 Si ructus acidus fiat, qui prius non erat in longis intestinorum leuitatibus bonum.

100 Omnia uentris profluvia post egritudines acutas, symptomata sunt mortalia.

101 Difficultas intestinorum si ab atra bile inceperit lethalis est.

102 In torminibus si ueluti caruncula excant, lethale est.

103 In longis torminibus inedia ex fastidio malum, & cum febre peius.

104 Adiectione sincera difficultas intestinorum, malum.

105 In alui profluuijs mutationes excrementorum iuant, nisi ad mala mutatio fiat.

106 Magna effusio sanguinis post dysenteriam ualdè mala.

107 Vlcera intestinorum perducunt ad hydropem.

108 Conuulsio, uomitus, singultus, & conturbatio rationis, post dysenteriam, mortis indicia sunt.

109 Qui habet dysenteriam, & apparet post eius aurem sinistram, ueluti res nigra similis orobo cum uehementi siti moritur, ultra decimum diem, nec uitam producit.

110 Tenesmos, qui dysenteriam non sequitur, bonum.

111 Tenesmos per se ortus ubi aliquantulum processerit in infante con- quiescit.

112 Ob aluum astrictam in infantibus facilè sequitur uentris, stomachi, uel capitis dolor.

113 Ventris inflatio à flatu facilè curatur, ab aquositate, & obstructione uiscerum difficilè.

- 114 Lumbricos teretes cuncte in iudicationem morbo descendere idoneum est.
- 115 Multi nulla lumbricorum cura habita exesi ab ipsis sunt, & convulsi interierynt.
- 116 Inter febrium initia geniti lumbrici tales natura sunt, qualis materia corrupta, unde creati sunt, circa statum, qualis est morbi malignitas, circa declinationem melius omnino.
- 117 Deteriores sunt lumbrici maiores minoribus, multi paucis, rubralibus, & uiuentes mortuis.
- 118 Incipientibus acutis morbis si lumbrici teretes uini deijciuntur pestilentes morbos indicant, inclinantibus mortui malum, inter utrumque tempus quoquomodo appareant, malum est.
- 119 Lumbrici deiecti sanguine conspersi malum.
- 120 Ex ipsis lumbricis frequens in infantibus anhelitus frigidus, tumesciente adhuc corpore, lethale, sequenti enim die mortem preannuntiat.
- 121 Ascaridibus infesti breuioris uita sunt.
- 122 Inflammationum, & umbilici tumorum, si recte, & citò curentur facilis curatio est.
- 123 Generatio calculi in uesica in pueris est ualde familiaris.
- 124 Puluis maxillarum luporum, piscium salitorum à proprietate lapidei in uesica frangit; idem facit puluis leporis usti, & sanguis hircinus.
- 125 In cuius urina est fex arena lapis in eo non facile coalescit.
- 126 Si ex aliqua externa causa musculo frigefacto generatur urine incontinentia melius est, quam si citrà manifestam causam proneuiat.
- 127 Quo plus patientibus euenit urina inuoluntaria emissio eò minus periculo sunt obnoxij.
- 128 Qui urinam sine uoluntate emittunt ob curuicis uesicæ uulnus, aut casum, aut uertebræ luxationem, superuenientibus, quæ mortem indicant notis, nulla eos medicina periculo liberat.
- 129 Si qui lotium non eijciunt, eorum subiecta membra debiliora sunt, paulò post moriuntur.
- 130 Intestinorum hernia qualiscunque fuerit semper aquosa deterior.
- 131 Procidencia ani sine inflammatione melior est, quam cum inflammatione.
- 132 Ex excoriatione facile suboriuntur inflammationes, exulcerationes, dolores, & uigilia.
- 133 Pustula seu uariolæ, uel morbilli magna ex parte afficiunt infantes,

& iuvenes, rarissimè senes.

134 Difficilis fit eruptio pustularum ijs, quorum cutis crassa, & densa est.

135 Difficilior est latarum pustularum eruptio.

136 Etsi accedit cutis densitas, sæpè intus pustulis detentis moriuntur.

137 Ineruptione earum, quæ sunt altiusculæ, quæ facilior est, pauci percunt.

138 Ex pustulis, quæ ulcerosæ sunt, uel spissæ, parvæ, eminentiores, & rubræ, cum febre, uel nigræ lethales sunt.

139 Pustula albæ, rubræ, raræ, latæq; salubriores sunt.

140 Quem semel uariolæ, seu morbilli tentarunt, is ex quorundam sententia, illis amplius non erit obnoxius.

141 In facie, & alijs partibus corporis ambustis signa existunt monstruosa (nisi rectè curentur) ipsæque partes affectæ aliquandò exsiccata, capta, debilesque remanent.

F I N I S.

E X C A D E M T.

M. D. LXXVII.





B R I X I A E,
V I N C E N T I V S S A B B I V S
E X C V D E B A T.

M. D. LXXVII.

